

佛說持世陀羅尼經

大唐三藏法師玄奘奉詔譯

如是我聞一時薄伽梵在憍饅彌國建礮迦  
林與大苾芻衆五百人俱善薩摩訶薩過俱  
胝數及諸天人阿素洛等無量大衆前後圍  
遶時彼國中有一長者名爲妙月容範溫華

羔十

九

志願閑遠男女僮僕其數衆多於佛法僧深

生敬信來詣佛所頂禮佛足遶百千匝却住  
一面合掌恭敬而白佛言世尊欲問如來應  
正等覺少所疑事唯願大慈垂愍聽許

爾時世尊哀愍彼故以慈軟音告言長者恣  
汝意問吾當爲汝方便分別令汝心喜時彼  
長者歡喜踊躍稽首作禮合掌請言世尊云  
何善男子善女人諸貧賤者可得富貴諸有  
病者可令病愈諸有罪者可令罪滅諸危懼  
者可令安樂

爾時世尊知而故問長者何緣作如是說時  
彼長者重白佛言世尊我等在家多諸眷屬

資財乏少難可周濟又多疹疾罪累危懼故  
請世尊開示方便令貧賤者得大財位周給  
親屬廣修惠施饒益一切倉庫無盡令有病  
者四大康和勤修善業身心無倦令有罪者  
速得除滅身壞命終生於善趣令危懼者身  
心安樂親近供養佛法僧寶速證無上正等  
菩提

爾時世尊告彼長者善男子我於過去無數  
劫前遇佛世尊名持金剛海音如來應正等  
覺明行圓滿善逝世間解無上丈夫調御士  
天人師佛薄伽梵爲欲利樂諸有情故說陀  
羅尼名曰持世我時聞已歡喜踊躍受持讀  
誦廣爲他說利益安樂無量有情由是因緣  
福慧增長速證無上正等菩提爲諸天人說  
微妙法今爲汝說此陀羅尼汝天人等皆應  
聽聞已受持廣爲他說此咒神力不可思議  
令諸有情皆獲利樂陀羅尼曰

蘇魯閉 跋達邏底 菩揭麗 頸折麗

頰摺鉢麗 喧伽嘶尼 嘸鞞達尼 薩寫  
 罷底 驎娜罰底 達那罰底 室利沫底  
 鉢拉婆罰底 略沫麗 暈沫麗 魯盧蘇  
 繆 波毗沫麗 頰捺捺悉諦 暈呬悉諦  
 暈濕縛繫始 狹矩麗 汗矩麗 暈毗謎  
 杜杜謎 呥呬麗 呏洛呬洛 罷折麗罰  
羔十  
 折麗 耶鰻耶鰻去 罷栗殺尼 昵亞波  
 達尼 罷折洛達洛 婆揭洛 昵懼衫呏  
 他揭耽頰奴颶沫洛 呏他揭多薩點颶沫  
 洛 達磨薩點颶沫洛 僧伽薩點颶沫洛  
 员吒员吒 譜洛譜洛 譜刺耶 跋洛跋  
 洛尼 蘇瞢揭麗 扇多沫底 蘑揭羅罰  
 底 蘇跋達洛罰底 阿揭車 阿揭車  
 三沫闍 阿奴颶沫洛莎訶 阿罰刺喃  
 頰奴颶沫洛莎訶 經栗砧 鉢刺婆去凡  
 沫洛莎訶 經栗砧 頰奴颶沫洛莎訶  
 暈折闍 頰奴颶沫洛莎訶 薩縛薩埵  
 撫闍頰奴颶沫洛莎訶

此陀羅尼具大神力若有善男子善女人至  
 心受持廣爲他說諸惡神鬼天龍藥叉人非  
 人等皆不能害諸利樂事晝夜增長若能至  
 誠供養三寶念誦如是大陀羅尼經七晝夜  
 時無暫闕諸天龍神皆生歡喜自來冥雨者  
 須財穀饑饉疫癘皆悉消除所有罪障無不  
 磬滅一切危懼並得安寧福慧漸增所求如  
 意速證無上正等菩提

爾時佛告妙月長者汝應信受此陀羅尼憶  
 念誦持廣爲他說所求利樂無不諧遂時彼  
 長者聞佛所說歡喜踊躍而白佛言我能受  
 持廣爲他說利益安樂無量有情唯願世尊  
羔十

慈悲護念世尊告曰如是如是時彼長者合  
 掌恭敬右遶世尊百千匝已頂禮佛足歡喜  
 而去

爾時世尊告阿難曰妙月長者諸庫藏中種  
 種財穀今悉盈滿尊者阿難歡喜白佛何因  
 緣故妙月長者諸庫藏中歛然盈滿佛告阿

難妙月長者聞我所說大陀羅尼深信歡喜

受持讀誦願爲無量有情宣說由斯福力庫藏皆滿汝等亦應受持讀誦廣爲他說此陀羅尼今此三千大千世界諸有情類皆得利益我觀世間天魔梵等無能毀越此陀羅尼

文句正真不可壞故諸薄福者不可得聞所

以者何如是章句三世諸佛同所稱揚以不思議神力加被令聞特者皆獲利樂尊者阿難深心歡喜以妙伽他而讚頌曰

諸佛不思議 所說法亦爾 能正奉行者果報亦復然 一切智法王 滅生老病死

已到勝彼岸 誓首大覺尊

爾時阿難踊躍歡喜禮佛合掌白言世尊今此法門當名何等我等今者云何奉持佛告阿難此名妙月長者所聞亦名能感一切財位亦名愈疾亦名滅罪亦名能除一切危懼亦名諸佛同所稱揚亦名諸佛神力加被亦名持世陀羅尼經汝當奉持勿令忘失利益

安樂 一切有情

時薄伽梵說此經已無量聲聞及諸菩薩並諸天人阿素洛等一切大衆聞佛所說皆大歡喜信受奉行

佛說持世陀羅尼經